

Bosna i Hercegovina
FEDERACIJA BOSNE I HERCEGOVINE
Kanton Sarajevo
Grad Sarajevo
OPĆINA NOVI GRAD SARAJEVO
Općinski načelnik
Komisija za javnu nabavku roba i usluga

Broj: 02/12-45-25173/25
Sarajevo, 26.12.2025. godine

Na osnovu člana 70. stav 1. i 3. Zakona o javnim nabavkama ("Službeni glasnik BiH" broj: 39/14, 59/22 i 50/23), člana 26. Pravilnika o nabavci roba, uvršenju usluga i ustupanju radova broj: 02/12-45-25701/22 od 10.12.2022 godine, Pravilnikom o uvjetima i načinu korištenja e-aukcije ("Službeni glasnik BiH" broj: 80/23), u predmetu javne nabavki "Nabavka AUTOCAD licenci" – u konkurentskom postupku objavljenom u "Službenom glasniku BiH" broj: 65/25 i na portalu javnih nabavki obavještenje broj: 422-7-1-170-3-230/25 od 28.10.2025. godine, na preporuku Komisije za javne nabavke roba i usluga, Općinski načelnik, donosi:

ODLUKU

1. Prihvata se ponuda ponuđača BHS informatika d.o.o. Sarajevo sa ponudom u iznosu od 43.000,00 KM bez PDV-a odnosno 50.310,00 KM sa PDV-om, u predmetu javne nabavke "Nabavka AUTOCAD licenci" u konkurentskom postupku objavljenom u "Službenom glasniku BiH" broj: 65/25 i na portalu javnih nabavki obavještenje broj: 422-7-1-170-3-230/25 od 28.10.2025. godine.
2. Zadužuje se Služba za zajedničke poslove, da obavjesti učesnike u konkurentskom postupku o donošenju Odluke o rezultatima okončanog postupka javne nabavke i izboru najpovoljnijeg ponuđača i zaključi ugovor po konačnosti iste u skladu sa članom 72. Zakona o javnim nabavkama.
3. Protiv ove Odluke dozvoljena je žalba u roku od 5 dana od dana prijema iste, a koja odlaže izvršenje.

Obrazloženje

Zapisnikom sa otvaranja ponuda od 10.11.2025. godine, konstatovano je da su dostavljene dvije blagovremene ponuda i to ponude ponuđača:

1. BHS informatika d.o.o. Sarajevo
sa ponudom u iznosu od 43.000,00 KM bez PDV-a odnosno 50.310,00 KM sa PDV-om
2. Grupa ponuđača GEOINOVA -informatički inženjering d.o.o. Banja Luka i
RESULTS CONSULTING d.o.o.Sarajevo
sa ponudom u iznosu od 42.800,00 KM bez PDV-a odnosno 50.076,00 KM sa PDV-om.

Komisija je analizom pristiglih ponuda, odnosno dokumentacije kojom ponuđači dokazuju kvalifikacije za učešće u ovom postupku, utvrdila:

- da ponuda ponuđača BHS informatika d.o.o. Sarajevo ispunjava kvalifikacione uslove specificirane tenderskom dokumentacijom, te da je ista računski ispravne.

- da Ponuda grupe ponuđača GEOINOVA - informatički inženjering d.o.o. Banja Luka i RESULTS CONSULTING d.o.o.Sarajevo ne ispunjava uslove iz tenderske dokumentacije utvrđene u tački 4.2.1. pod i) a u vezi sa tačkom 3.4.2. pod b), „Dokumentacija (izjava ili ovlaštenje ili certifikat) izdat od principala (proizvođača ili generalnog zastupnika) na ponuđača kojom ponuđač dokazuje da je ovlašten za prodaju licenci”.

Naime, pregledom dostavljene dokumentacije, konstatovano je da je ponuđač u cilju dokazivanja navedenog uslova, za stavku pod rednim brojem 1. Program za 2D i 3D CAD (Computer -Aided Design) projektovanje i modelovanje, za ponuđeni program AUTOCAD ponuđač dostavio Potvrdu distributera TD SYNEX d.o.o. Beograd broj: 164/2024 od 25.12.2024. godine (stranica 75. ponude) da je GEOINOVA - informatički inženjering d.o.o. Banja Luka, predstavnik grupe ponuđača GEOINOVA - informatički inženjering d.o.o. Banja Luka i RESULTS CONSULTING d.o.o.Sarajevo, autorizovani prodavac ovlašćen za prodaju i podršku Autodesk proizvoda za područje Bosne i Hercegovine a da pri tome u sastavu ponude nije dostavljen dokument/ovlaštenja kojim se dokazuje da je TD SYNEX d.o.o. Beograd je ovlašćeni distributer proizvođača Autodesk Inc.

Da je za stavku pod rednim brojem 2. Program za rad sa PDF dokumentima i optičko prepoznavanje teksta (OCR) za ponuđeni ADOBE ACROBAT PRO, grupa ponuđača GEOINOVA - informatički inženjering d.o.o. Banja Luka i RESULTS CONSULTING d.o.o.Sarajevo dostavila Ovlaštenje kompanije Adobe Systems Software Ireland Ltd. („Adobe“) za partnera /distributera Results Consulting d.o.o. od 04.11.2025. godine a koje glasi na Kompaniju / kupca: Općinu Novo Sarajevo , Zmaja od Bosne 55, 71000 Sarajevo (stranica 77-79 ponude) a ne na ugovorni organ Općinu Novi Grad Sarajevo, Bulevar Meše Selimovića br. 97, 71.000 Sarajevo koja provodi predmetni postupak javne nabavke.

Na osnovu naprijed navedenog a u skladu sa članom 68. stav (4) pod tačkom i) Zakona o javnim nabavkama BiH, tačke 4.1.1. tenderske dokumentacije i Uputstva za pripremu modela tenderske dokumentacije i ponuda, ponuda grupe ponuđača GEOINOVA - informatički inženjering d.o.o. Banja Luka i RESULTS CONSULTING d.o.o.Sarajevo se odbacuju kao neprihvatljiva.

Obzirom da se radi o konkurentskom postupku, objavljenom na portalu javnih nabavki i Službenom glasniku BiH, da su dostavljene dvije ponude od kojih jedna ispunjava kvalifikacione uslove specificirane tenderskom dokumentacijom, te primijenom kriterija «najniža cijene », shodno članu 64. stav 1. tačka b) Zakona o javnim nabavkama BiH i člana 4. stav (2) Pravilnika o uvjetima i načinu korištenja e-aukcije (“Službeni glasnik BiH” broj: 80/23), , odlučeno je kao u dispozitivu Odluke.

Pouka o pravnom lijeku:

Protiv ove Odluke dozvoljena je žalba u roku od 5 dana po prijemu iste, Uredu za razmatranje žalbi Mostar, putem ovog organa, u pisanoj formi, direktno na protokol ugovornog organa, elektronskim putem ili preporučenom pošiljkom.

Obradila:

Komisije za javne nabavke roba i usluga

DOSTAVITI:

1. Služba za zajedničke poslove
2. U spis

